



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XI. Synodus Venetijs excepta. Adhibita à Pontifice studia, vt pariter
exciperetur in Gallia; & interiectae difficultates. Melior in Hispania
successus. Superior locus à Pontifice tributus ...

urn:nbn:de:hbz:466:1-11718

C A P V T XI.

Synodus Venetijs excepta. Adhibita à Pontifice studia, vt pariter exciperetur in Gallia; & interiecta difficultates. Melior in Hispania successus. Superior locus à Pontifice tributus Oratori Gallico in Pontificio facello.

Non prius absoluta fuit Synodus, quam Pontifex omnem adhibuit soleritatem, ut ea à cunctis Principibus Catholicis exciperetur. Summam ad id animi alacritatem Itali exerceuerunt: præsertim verò Respublica Veneta Concilium promulgari iussit in Basilica S. Marci inter sacrificij solemnia^a, eiusque obseruationem iniunxit suorum oppidorum rectoribus. Quapropter Pius, ad grati animi argumentum erga studium quod ea Respublica perpetuò præ se tulerat in illius salutaris operis procesu, attribuit Oratoribus Venetis Romæ magnificas ædes prope templum S. Marci Venetorum Patroni, extructas a Paulo II. eiusdem Reipublicæ filio, ad Pontificum domicilium; idque per diploma motu proprio fecit, ornauitque ibi præclaris laudibus Venetos Senatores, & egregiam eorum obseruantiam in Apostolicam Sedem.

Sed omnem animi conatum conuertit, tamquam ad maioris momenti molem, ut idem obtineret à Principibus ultra montes; ac præcipue à duobus primarijs Regibus. Redierat in Galliam Sanctacrucius ad suum Nuntij munus; obtulitque Reginæ promptam Pontificis voluntatem ac studia, ut colloquium, ab illa enixe expetitum, conficeretur; & per eam opportunitatem, quam tieruissimum potuit, ab ea flagitauit ut exciperet Concilium, conuocatum^b & à Pontifice celebratum ipso Rege Galliæ petente, cum tanto & suo & Christiani orbis labore. Sed initio spatium temporis petiit Regina, dicens, Oportere sibi & Decreta conspicere, & Lotharingum audire. His peractis, adhuc illa moras protrahebat, per speciem quod nondum cernebatur Pontificis confirmatio: quare si spatium ad deliberandum ille postulabat, multò magis alijs ab eo concedendum esse. Acceptâ dein Pontificis confirmatione, respondit, Nondum sciri, an Hispaniæ Rex Synodus accepturus esset; & affirmante Nuntio, id certò innotescere; tamen, aiebat Regina, sibi contraria nuntiari; fortasse ne hoc pallio priuaretur: sed verum erat id quod Sanctacrucius affirmabat. Etenim absoluta Synodo, statim Pontifex per suum Nuntium Viceco-

S l l l l z

mitem

^a Moroficus
^b lib. 8.^a Patet ex
plurimis lit-
teris Sancta-
cruçij ad
Borrom. &
ad Galliū
7 Ianuarij1564. usque
ad 23. Iulij

1564.

1564.

Litteræ
Borrom. ad
duos Hispaniæ
Nuntios
16. Februarioij
1564.

mitem ea de re Philippum Regem monuit, expositâ illi necessitate, quâ Patres coacti fuerant, ne disertum Regis consensum præstolarentur, sed illum præsumerent. Cuncta per summam concordiam processisse, nec aliud nisi Lunensis subscriptionem deesse. Sperari tamen, id quod in ministro desiderabatur, ab auctoritate Principis abundè suppletum iri. Nec postulato defuit efficacia: nam Philippus, re suo in Consilio perpens, effecit ut exciperetur Synodus à cunctis Ecclesijs Hispaniæ, ac deinceps à reliquis suarum ditionum, sicuti mox amplius renarrandum erit.

Gallia Regina, cùm se hoc exemplo cogi sentiret, cœpit excusare; se, causata, robustiorem cibum melius concoqui posse à corporis benevolentis stomacho, cuiusmodi erat Hispaniæ regnum, quâ ab infirmo, qualis erat in Gallia. Sed contra Nuntius: Quin potius indigere medicamento egrum quâ sanum. Denique redacta res est ad duas difficultates, à Regina & à magno Cancellario propositas.

Prior erat, prohibitio, ne Regularium sacerdotia in Commendationem traderentur; hac enim ratione plurimos ex primarijs viris Rex sibi deuinciebat, quorum operâ in illis rerum conditionibus indigebat. Nec veritus est Cancellarius Nuntio dicere, Lotharingum, postquam sibi ventrem oppleuerat, velle alijs ieiunium præscribere.

Altera vniuersalior, erat metus, ne irritarentur hugonotti, à Synodo per tot anathemata vulnerati: qui metus eò deuenit, ut Regina, nihil magis exosa quâ omnem auram vnde fretum illud turbari posset, Nuntio permittere noluerit, ut exemplaria Concilij, typis impressa, Præsulibus distribueret, dicens, Eadem non minus aliundè ab ipsis haberi absque speciosa illa pompa. Sed Nuntius non idcirco destitit ab incepto.

Præ se ferebat in his negotijs Regina turbidum animum in Pontificem & in se ipsa & in tota Gallia, propterea quod suspensam adhuc litem Pius tenebat de prærogatiua inter duorum Regum Oratores Romæ degentes; perinde quasi possessionis spoliatio id esset potius, quâ sententiæ retardatio. Etenim diu Pontifex abstineuerat, per speciem confirmandæ valetudinis, ab accessu ad Pontificium facillum; & solemní die Parasceues, quo è superiori Vaticani porticu Pontifex populo benè precari solet, rem ita compoſuerat, vt primus inter Oratores gradus haud appareret, prætentio nomine, quod mos non esset in ea functione loci ordinem seruari. Ex quo Gallicus Orator Oiselius petendæ veniae abeundi occasionem ceperat; ac posteà retentus fuerat, oblatâ spe quod in festo Pentec-

In litteris
Nuntij ad
Borrom. &
ad Galium
14 Aprilis
1564.

Pentecostes satis ipsi fieret, cùm consideret interim Pontifex, Hispanorum animos flexum iri, vt qui litteras principio Regis manu scriptas acceperat, sicuti suo loco narrauimus, vbi dixerat, nolle se ad hæc inania visum flectere. Et quamuis ille postea mentem mutauerit ob allatas à suo Confilio rationes, Pontifex cùm speraret eum ad sensus pristinos à se adductum iri, illi ponebat ob oculos, Quò deteriora erant Galliæ mala, ab ipso Rege sibi significata, eò magis oportere, ne medicina difficilior redderetur, cum totius Christianæ Reipublicæ periculo, propter quamdam vmbrae imaginariæ quæstionem. His tamen Pontificis cohortationibus, quas duo Nuntij detulerant, Philippus responderat, Se quidem exosculari Pontificis pedes, sed rem nimiùm fuisse progressam, adeoque mandatis à se Oratori traditis se remittere. Et quidem Ruigomius disertè reiecerat ea quæ ambo Nuntij proposuerant, vt nimirum Hispanus Orator domi maneret diebus solemnis functionis; eisque dixerat, ijs positis quæ in Synodo euenerant, mentem esse Regis progredi, non regredi.

6 Interim Pius, ad sternendam negotio viam, in animo & habuerat, cunctis Oratoribus imperare ne illorum quispiam, antequam à se accirentur, conueniret ad solemnnes functiones; & ne Gallus repugnaret, operam dederat, vt Cæsar Oratorem suum iuberet confentre: qui cùm ex uno capite sine controuersia esset maximus, reliquis exemplo esse poterat; & ex altero capite hæc ipsa indubitate prærogativa proderat, ne Princeps ille de huiusmodi dignitatis argumentis admodum laboraret, & facilius flecteretur ad ea intermittenda erga se, quò aliorum certamina præpediret, ad quod valde primum videbatur amabile ac mansuetum ingenium Ferdinandi: & re ipsa ille non restitit, suumque Oratorem iussit sic agere, simulque dissimulare, id sibi à suo Principe iniunctum fuisse; quin declararet, se abstinere à solemnibus celebritatibus ob merum in Pontificem obsequium, quò fortius hoc pacto ad imitationem traheret Gallum.

7 Sed omnia incassum. Vbi delatum est in Galliam id quod solemnni Parasceuæ die contigerat, ingens perturbatio est excitata: Regina verò narrauit Nuntio, Regem, quamuis puerum, dixisse in pleno suo Confilio, se huiusmodi iniuriam haud passurum: Oratorem se benè gessisse in venia abeundi petenda, sed postea male in suspendingo discessu. Quando res eò peruererat, expectaret usque ad Pentecosten; & vbi tunc debitum honorem non acciperet, statim abiret, & vna cum eo Burdesius

Sssss 3

^e In litteris
Nuntij ad
Gallium
1. Maij 1564
& fufius in
litteris Pon-
tificis ad
Nuntium 6.
Decembbris
1565.

^f Litteræ
Criuelij, &
Vicecomitis
Nuntiorum
ad Borrom. 3
& 6. Matrij
1564.
quarum fü-
ma est apud
Barberinos.
^g Ex litteris
Delfini ad
Borrom. 26.
Aprilis
1564.

Cardi-

1564. Cardinalis. Adiecit Regina: Velle se loqui non solum tamquam Regis matrem, sed tamquam Sedis Apostolice filiam. Vbi Pontifex huic muneri suo defuisset, à se paratam conspicere vim magnam sulphuris, quo Ecclesiæ osores tenelli Regis animum inflammarent cum clade Religionis, ad cuius turbas componendas alioqui tunc cernebatur bona Gallici Regni habitudo. Et eosdem in se sensus illi aperuit Lotharingus Cardinalis. Quamobrem Nuntius Romanus scripsit, confidere se, minime futurum, ut optimus Rex Philippus vellet per inanem illum fumum materiam præbere incendio tot animis lethali, & tam periculo suo quoque proximis ditionibus & Hispaniæ & Belgij. In tanti Regis dignitatem cessurum, si palam fieret, prudentius ab eo quam ab eius Consilio latum fuisse iudicium. Id si Pontifex ageret, non nisi quod idem Pontifex alias egerat tunc acturum, quodque etiam agebatur à Senatu Veneto, cuius grauitas & auctoritas præualidum clypeum imitatoribus porrexisset.

Nec Regina ad suos exprimendos sensus consuetâ ministrorum voce solum vsa fuerat; sed quod præterea ardorem ostenderet simul & adderet, Romam ad id miserat Villeroum^b, qui postmodum ob

^b In vita Villeroi, scripta à Petro Matthæo.

^a Ex epistola Pontificis ad Nuntium Hilpan. 6.

Decembri 1563. & ex

Actis Consili

stor. 18. Au-

gusti 1564.

Pontifex obtulerat, se causam commissurum aut Purpuratorum^a Collegio, aut Rotæ Romanæ^b. Sed cum partes in excipiendo oblato cunctarentur, interim præcepit Pontifex, ut saluis rationibus vtriusque partis in iure præcipuo, retineretur Gallici Oratoris possessio, eiisque locus ille traderetur, quem huiusmodi Oratores tenuerant alias dum Carolus V. Philippi Regis parens, Hispaniæ Rex erat, & nondum Cæsar, & quem re ipsa postea possederant se Pontifice tum in sacello, tum in Concilio Tridentino: atque iterum confirmavit quod obtulerat, se decisionem controversiæ commissurum alteri ex duabus, quæ diximus, Tribunalibus.

Degebat Romæ Hispani Regis Orator Aloysius Requesenius, Magnus Castellæ Commandator, ex Ordine S. Iacobi, qui posteà Mediolano præfuit, & Belgij administratione illustris fuit. Is ad hanc Pontificis iussione grauiter iram sonantia verba protulit, & vel ipse, vel alter Hispanus minister creditus fuit in minas prorupisse, Regem armis rem vindicaturum. Curauit Pontifex, ut de ijs omnibus Galliæ Regina fieret certior^c, affirmavitque, se, humanis rationibus spectatis, numquam ad id peragendum fuisse deuenturum; sed à studio iusticie religionisque permotum esse: sensus adeò violentos à pia Catholici Regis mente valde alienos à se putari; sed quidquid aduersi

^c Occulta note Nuntii in Gallia ad bott. m. 17. Junij 1564.

accid-

1564.

accidisset, speraturum se Christianissimi Regis defensionem. Responsum est à Regina per studiosam gratiarum actionem ob rem peractam, ostensumque, nec à se credi eiusmodi sensus in Philippo Rege: ubi quid ex aduerso contingere, opem Regis filij, qui aderat colloquio, spopondit, pro maiorum suorum exemplis. Id verò formulis tam enunciatis & tam breuibus, ut satis intellectum fuerit, ibi tunc nec vires, nec animum esse ad conferendum auxilium, sed potius desiderium atque indigentiam illius excipiendi.

Hæc gratificatio exhibita Galliæ, non ad aliud conduxit, nisi ad noua mala prohibenda: ceterum de Concilio in perplexis responsis perstitum est. Legauit ad Regem postea¹ Pontifex Ludovicum^m Antinorum, qui simul afferret facultatemⁿ alienandi bona quædam Ecclesiastica, minoris pretij quam alia à Rege alienata, quæ per hanc posteriorem alienationem, legitimè faciendam, recuperari debebant, priori tamquam non legitimâ abrogatâ: & per eundem Antinorum obtulit, le illi consenturum de legatione Aue-
8
nionensi, quam Rex, vti narrauimus, pro Borbonio Cardinali,
Regis Nauarræ demortui fratre, petierat, dummodo hic datâ fide polliceretur, seruaturum se regionem illam illæsam ab hæresi. Pius verò in se recepit compensationem aliâ viâ præstandam Farnesio Cardinali, qui legationem illam exercebat. Atque ita sequenti Aprili^o perfectum est. Iam verò vna cum his beneficijs secum detulit Antinorus noua & præualida postulata, ut Synodus exciperetur; cùm videretur Pontifici & opportunitas grata, dum quod erat debitum petebatur, non debito priùs collato, & sequester idoneus, ut potè negotijs ac nationis peritus. Verumtamen aliud ille non impetravit^p, nisi hortamen ad patientiam, & quod priùs hugonotorum seditiones essent sedandæ: quæ visitatæ sunt formulae mitigatione repulsæ minus acerbo nomine cunctationis.

^l Octobrī
mense 1564.
^m Augstogra-
phumq; man-
datorum a-
pud me est.
ⁿ Acta Con-
fessorialia 5.
^o Augusti
1564.

^o Acta Con-
fessor. 13. A-
prilis 1564.
^p Litteræ
Nuntij ad
Borrom.
23. Iulij
1564.



CAPVT